

Skælløen siejhme njoelkedassh

Gærhkoe-digkien mieriedimmie 2021

1. Gærhkoe laavkoemasse bööresovvebe juktie Jeesuse stilleme laavkodh jih almetjidie ööhpehtidh jaehkedh. Meehten vaentjielasse, 28, 18-20, naemhtie tjaalasovveme:

«Gaajhke faamoe elmierijhkesne jih eatnasmisnie munnjien vadtasovveme. Vaedtsede darjode gaajhkide åålmegidie learohkinie: Laavkode Aehtjien jih Baernien jih Aejlies Voejkenen nommesse jih ööhpehtidie gaajhkem maam manne dijjem stilleme. Jih dijjem dåeredem gaajhkide biejjide veartenen minngemes beajjan.» (Meeht 28, 18-20).

2. Juktie Jeesuse numhtie stilleme, gærhkoen åålmegh maanide laavkoeh giejtie eejhtegh /eejhtegi-bielieh gærhkose buektieh lååvkesovvedh. Dovne noere jih geerve almetjh lååvkesuvviejh gosse jijtjh sijhtieh. Gosse maana lååvkesåvva, dellie maana edtja dovne gåetesne jih gærhkosne jaahkoen bijre ööhpehtovvedh jih skylledh. Gosse maana lååvkesåvva, dellie kristelassji jaahkoe bæjhkoehtåvva. Jaahkoe skælløen jupmele-gaagkestimmesne aaj bæjhkoehtåvva.

3. Dah gieh lååvkesovveme jih dah gieh eah Leah lååvkesovveme, maehtieh skælløe-ööhpehtimmiem åadtjodh. Gærhkoe sæjhta dah gieh eah Leah lååvkesovveme, edtjiej ööhpehtovvedh guktie Kristusasse jaehkieh jih jijtjh veeljiej lååvkesovvedh. Ajve dah gieh lååvkesovveme, maehtieh skylledh. Dah gieh skælløe-ööhpehtimmiem åadtjeme, mohte eah lååvkesovveme, dah aaj edtjin hijven galhkemem åadtjodh.

4. Gaajhkesh skælløse bööresuvviejh jalhts dej maahtoeh viesjie Leah, jih dah sjiere viehkiem daarpesjiej.

5. Åålmegen jupmele-gaagkestimmiejh vihkele skyllijidie. Skyllijh edtjiej uhtjemes gaektsien aejkien gyrhkesjidh mearan skyllijinie Leah. Skælløe-aejkien golme sjiere jupmele-gaagkestimmiejh: gyrhkesjimmie gosse åålmege bæjjohte gieh skyllijinie Leah jih jupmele-gaagkestimme gosse skylliji jahkoe-ööhpehtæjja skyllijinie soptseste jih jupmele-gaagkestimmie gosse åålmege skylliji åvtese rohkele jih dejtie bueriesjugnede. Skyllijh edtjiej ovmessie jupmele-gaagkestimmiejgumie åahpenidh jih siejhme jupmele-gaagkestimmiejgumie åahpenidh jih gaagkestimmiejgumie maam åålmege mieriedamme. Skyllijh edtjiej saalmigumie åahpenidh mejtie gærhkoen åålmegh eeremasth laavloeh.

6. Gosse jupmele-gaagkestimmie skælløe-aejkien, dellie dah bijpele-teeksth lohkesuvviejh mah gærhkoe-jaepien lohkesuvviejh. Gosse åålmege edtja skylliji åvteste rohkelidh jih dejtie bueriesjugniedidh, dellie skælløe-biejjen teeksth lohkesuvviejh. Jupmele-gaagkestimmien liturgije edtja åålmegen liturgije-njoelkedassine sjiehtesjidh.

7. Gosse jupmele-gaagkestimmie skyllijigujmie aktine, dellie hearra jñ jaahkoe-ööhpehtæjja jñ jeatjebh gïeh skyllijidie ööhpehtamme, edtjeh liturgijinie årrodh /liturgijinie dienesjidh.

8. Åålmegh gelkieh daejtie njoelkedasside utnedh, jñ eah galkh jaepien 1992 Jupmele-gaagkestimmien njoelkedasside utnedh. Jupmele-gaagkestimmien sïejhme njoelkedassh, boelhke 6, gelkieh utnedh gosse skælloe-aejkien jupmele-gaagkestimmie.